

الداخوس أو ازْحامْ لمْعَانِي



نورالدين حنيف أبوشامة



أو (ازْحَامْ لَمْعانِي) إضمامةٌ في فنِّ الزّجل 2023

- الكتاب: الداحوس
- النوع الأدبي: زجل
- الإصدار: إلكتروني
- -نورالدين حنيف أبوشامة
- -من مواليد مدينة الدارالبيضاء\ المغرب
- -عضـــو فـــي الجمعيـــة الوطنيـــة لصـــقارة القواسم
 - -خبير وطني في رياضة الأيكيدو
 - -مهتمّ بمجال الإبداع و الفنّ التِشكيلي
 - -باحث في التربية و الفكر و الأدب
 - لوحة الغلاف من إنجازي بعنوان (سـرْبَة)

Abouchama24hanif@gmail.com

إهداء:

إلى صديقي و أخي فؤاد البياز القاسمي الإنسان المبدع العاشق لفنّ الحرف و فنّ الطير و التحليق ثم فنّ الحياة

تقديم:

(الـدّاحُوسْ) إضمامةٌ مختلفة في في الزحل. تردحِمُ فيها المعاني والـدلالاتُ والأبعاد... تكاد تقول كل شيء كي لا والأبعاد... تكاد تقول كل شيء كي لا تقول شيئا. ضمّنتُها كل هذيان الـذات والموضوع والسياسية والتأميل والاجتماع والمزحة والعشق والحكمة والوطنيية و الانتمياء والحيوان والسخرية و الضحك و... في احتفالية تصوغ ذاتها في اللهجة المغربية العامية السائرة في مـذاهب الانزياح ورشيق القول وبديع البيان ...

و لا أدَّعـي في الزجـل سبقاً أو خرقـاً فـي مـألوف الشـعر العـاميّ، ولا أقـول إننـي أتيْـتُ الفريـة العجيبـة والبدعـة الغريبـة فـي مضـمار الإبـداع اللهجـيّ بقـدر مـا أقـول إنني سـاهمتُ وأسـاهِمُ فـي الارتقـاء بـالأذن المغربيـة وكــذا بالوجــدان المغربـي، فـي منظــوري الخاص الّـذي يفسّـر شـعر الزجـل داخـل رؤيـا التجـاوز والتحـول، مـن الحساسـية الشـعبية الموسـومة بالجذبـة إلـى فـن الشـعر فـي عـوالم مخياليـة وتخييليـة تُجـنّح بـالحرف وبالكلمـة وبالجملـة خـارج معتقـل العبـارة الموسـومة بالتمـاسِّ مـع لغــة الخطـاب اليـومي الــدّارِج، و تُهــرِّب لغــة الخطـاب اليـومي الــدّارِج، و تُهــرِّب المعنـى و الدلالــة إلــى تخــوم الإشـارة المفعمـة بفـنِّ الشـعرفي فائضـه وفـي المفعمـة بفـنِّ الشـعرفي فائضـه وفـي فيضـه حتـى و لــو كـان مصــوغاً بلغــة العامّة ولهجاتها.

الزحام الأول خَيطْ النُّورْ

جاني فْ مُوقفْ لفْجَرْ عرَّى كَسْدةْ من اصْلَامْ عُطّى سَرْ الْحَلَّكَة ِّ اجْناحَاتُو الْجُناحَاتُو

---کَاٰلْ لّي: آشْ يكُونْ حَلْمك إيلًا كُلْبكْ سِرّحْ فُ ارْشُوقْ الضَّيْ انْواحَاتُو

ڭلتْ لُو: خودْنيِ لمْراكْدْ الطّيرْ مَنْ لحْمَاصْ حتى البَطْنَة الرّزقْ امْدلِّي اعْبُوقْ ف اصْباحاتُو

خُوِدْنِي ۪لـ اهْسِيسْ الزْهَرْ يغَنِّيَ اعْدِيبْ الْما فْ عَدْوَاتُو

و ف ارْوَاحَاتُو

...

خُودْنِي لْـ نِينَانْ النَّحْلَة عَينْ فَ التَّرابْ و عَينْ فْ السْمَا حَضْنَةْ لمْحَبّة ترْسَمْ بْ اخْطُوطْ الخَيرْ الْوَانْ الْعزّ... وَاحَاتُو

خودْنِي لْضلّ الْكَرْمَة دمْعَةَ حارِّة و تَمْرة حُرَّة فْ اخْوَابِي الصَّهْبا الْقَى الضلْ... رَاْحَاتُو

. . .

خودْنِي لْـ شَـهْقَةْ الْكُمحْ يِنادِمْ اتْرابْ اللِّيلْ وِيغَنِّي لْـ اسْبولَة سـرْ الطّلْ لَعْلِيلْ اتْرَطّبْ شَمْشْ الضْحَى اجْروحَاتُو

اخْرِجْ لفْجَرْ منْ جلَّابْتُو

ݣَالْ لِّي: دَنْدَنْ لوْجعْ لبْلادْ غُنَّاية و ديرْ الْكْلْبَكْ عَزْ لعْنايَة تلْقى لفْجَر بِينْ يِدِيكْ... غَايَة طالقْ للضّيْ اسْرَاحَاتُو طالقْ للضّيْ اسْرَاحَاتُو

...

	 	 ••	••	 	 •	
المرجاء الفائم						
الزحام الثاني						
.َ اَنَّةُ						
9013						

شَفتْ خِيرْ و اسْلامْ بينْ اضْلُوعي ساكْنَة احْكاية ابْدايتْهَا ابْدايَة و الْقَفْلَة... اوْشامْ

--

اغْرَستْ السْبولَة فْ كَفّ النْهارْ طلْعُو اصْباعِي... اغْبارْ خرْجاتْ الْعَينْ... اعْتامْ

...

الدَّخانْ سِيدْ الْوَقَتْ شاربْ وَرِدْ الرَّوحْ حَابِسْ فْ اللَّعنَة ضَاوِي لجْرُوحْ امْيبَّسْ... شَلَّا احْلَامْ

• • •

انْشُوفْ خيرْ و اسْلَامْ انْهَزْ السْبُولَة اسْبولاتْ انْحُطْهَا فْ كَفْ الدَّخَانْ اتْعَرَّجْ فْ السُّمَا اسْحَابَاتْ اتْولِّي رايَة اتْولِّي... اعْلَامْ

. . .

•	•	•	•	•	•	•	•	•	•			•	•		•	•	•	•	•	•	•	•	•	•	•		•	•	•		•	•	•
																					_	A.		نا	ч	П		_	Ι.		٠.		П
																					•	٧	U	U	U	4		D	U	~	ני	J	
																											_		۰.				
																											. "		ы		a		ı
																															~	~	2

ابْغِيتْ ندْوِي امْعاكْ انْتَ إيهْ انْتَ مَاشِي هاداكْ اللِّيَ اَوْراكْ ابْغِيتْ نِّفُّضَحْ امْعاكْ عَيبْ السّكْتَة و انْت مَاسَحْهَا فْ اللِّي اِحْداكْ اشْحالْ گَدْنَا انْعَوْجُو ف قَدْ النَّعْتَة و النّعْتَة مِيرَة تَاَيْعانِي وْ تَاَبْعاكْ اللّا، راهُ ماشِي أنَا مُولْ الْغَوْتَة رَاهْ هَادَاكْ لَّمْضَرَّكْ مُورْ هَادَاكْ وَاهْيَا ً... لا تْصَدّقْ اسْرَابْ النّكْتَة رَانِي رايِمْ ع نَصْحَكْ امْعَاكْ ع

الزحام الرابع اصْبَاعِي كانتْ حَضَارَة

ابْجوُجْ ایدِینْ: وحْدَة میّالَة و التّانْیَة سَوّالَة ندفَعْ جِیهاتْ الرّوحْ جَنُوبْ مدبُوحْ شَمالْ مفْتُوحْ اعْلَی سِیرَة ... رَامْهَا هَجّالَة

...

انْشَدْ ف الضّيْ حِيتْ نبْغِي حَياةْ اتْسَوّقْنِي الرّيحْ امْرايَاتْ سَلْعَة عَافْهَا عَطّارْ انْسَدْ عَتْمَةُ حِيتْ نكْرَهْ اسْكاتْ اتْوزّعْنِي الكّـرْنَة شَحْماتْ شَحْماتْ و انَا بينْ الدّبْحَة والْفَتْحَة

نَكْراتْنِي الرّبْحَة راحَة حَاصْدَة نُخّالَة

•••

طَاحُ ارْيالِي فْ قَاعْ الرُّومْ الْقِيتُو كُـرْشْ مخْرُومْ الْبَارِحْ كَانْ درْهِمْ معْلُومْ الْيُومْ، فْ سُوقْ الدْلالَة ابْهاتْ وَسْمُو شَاخْ رَسْمُو دَاخْ اِسْمُو دَاخِتْ امْعاهْ اصْرُوفِي اصْرُوفْ الزْمانْ بدّالَة اصْرُوفْ الزْمانْ بدّالَة

•••

الْبارحْ ... اصْباعِي كانتْ حَضَارَة كانتْ تغْزَلْ ف الزّينْ شَلّا منْ سينْ سِينْ السّؤالْ سِينْ الْموّالْ سِينْ لَخْيالْ و حتّى سِينْ لهْبالْ الْيُومْ، الدّمْغَة نَقّالَة الْيُومْ، الدّمْغَة نَقّالَة

...

يَاكْ آ عَيْنِي يَاكْ كَنْتِ اتْشُوفِي المَعْنَى اسْكَيطَة كَنْتِ دَاتْ كَامْلَة غِيرِكْ ... كَانْ دَاتْ كَـرْطِيطَة كَنْتِ فْ الْكَسْدَة عُمْدَة سَـهمكْ الْيُومْ ديّالَة

--

ابْجوُجْ ايدِينْ: وحْدَة ميّالَة و التّانْيَة سَوّالَة طَرّزْتْ لبْدُو ضَيّعتْ لخْتامْ كَنتْ اكْتابْ ولِّيتْ مَكْتابْ كنتْ نسْبَكْ كنتْ نسْبَكْ انْعَتْرَتْ فِيّا لَكْـدَامْ ازْحَفتْ ... و الزّحْفَة كَرْهتْ منّي حَالَة

•••

ُشَافْنِي اڭْرِينِي سَابحْ عَوّجْ فْ ادْراعِي مُوجَة خَلَّانِي اعْلى كَشْكُوشَة نابَحْ دَرَّانِي اسْبُولاتْ عَوْجَة دلَانِي فْ خُبْزَة زَعْرَة سَايِحْ كَنتْ لَحْيَة مَدْجُوجَة صَاغْنِي ف لوْشَامْ سِيّالَة

...

كنتْ نَحْلَة، كنتْ صَوْلَة كنتْ نمْلَة، كنتْ عَوْلَة جِيتْ انْطِيرْ... الْقِيتْ اجْناحاتِي حَوْلَة جِيتْ انْغِيرْ... الْقِيتْ الصَّرْصارْ غَنَّانِي لُولَا عَنَّانِي لُولَا ابْهاتتْ فِيّا خَطْواتْ و كانتْ ارْجِيلَاتِي شَغَّالَة

ابْجوِجْ ایدین وحدَة میّالَة و التّانیة سوّالة ندْفع جِهاتْ الرّوحْ جنوبْ مدبوحْ شمالْ مفتوحْ اعْلی سیرة رامْها هجّالَة و السيرة ما كثْبوها اصْباعِي ما حبّرتْ ما عبّرتْ ما انْقَشتْ ف الشّومْ اصْواعِي ما عيّدتْ ما عيّدتْ لا بثْنِي و لا برْباعِي و كنتْ أنا ف لخْيارْ كَدْ فمّي كُدْ ادْراعِي الْيومْ عافتْنِي السّوقْ الْيومْ عافتْنِي السّوقْ رشّانِي الزْحام درْبلْنِي درْبالَة

...

ابْجوجْ ايدينْ وحدَة ميّالَة و التّانْية سوّالَة شفتْ الْمِيلْ كسْدَة و ابْقاتْ الرّوحْ هِيَ الْمسْأَلَة

...

الزحام السادس التْرَابْ ازْنادْ

• • •

كِيفْ تشْرُبْ نارِي و اتْقَاسمْنِي الرْمــادْ انْسمّيكْ بردْ سَارِي و لا وسْمكْ اعْنـادْ ؟

•••

انْتَ لفْسادْ، واكلْ غُنّايَاتْ الصْبَاحْ غُنّايَة دمْ، غُنّايَة سمْ و الْوِتْرَة انْكَــــادْ

اشْكونْ فْ الضّلْ شَعّلْ اوْڭيـڈ لخْرَافَـة غَطّی عَینْ الشّمشْ اعْلی سَرْ لبْـلَادْ

واشْكونْ فْ جلدْ عفْرِيـتْ سَطّرْ خُـوفْنا كُلّعْ ارْواحْنا منْ اجْدورْها نتّكْ منّا اوْتَـادْ

...

وا كْلْبِي، زَكَّي رِجْلِيكْ كَـادْ الْخــطْوَة التْرابْ تحْت لكْعَابْ، لَغْمُوهْ ازْنَــادْ

. . .

السابع	الذحام
ُی اغْمَلْ	الما الا

التَّفَّاحَة كَدْبَتْنِي مَا كَدْبَتْنِي السْبُولَة الشَّمشْ اللِّي فْ كَفِّي كَانتْ مَشْلُولَة الْخَطْوَة كَانَتْ ارْمَلْ الْمَا تَحتْنَا اغْمَلْ النَّرابْ عافْ الْبَرُّولَة عَنْدِي مَدْرَة و مَا عَنْدِي رِيِحْ شَافَتْنِي السَّدْرَة شَافَتْنِي السَّدْرَة شَافَتْنِي السَّدْرَة طَاحْ وَلدْ الْمَهْبُولَة طَاحْ وَلدْ الْمَهْبُولَة

الزحام الثامن غارْ ؤُ امْراياتْ

... أنَا اللّٰي هُوَ انْتَ ، اللِّي هُوَ احْنَا ابْغِيتْ انْسَر لِيكْ ابْغِيتْ انْعَسْ ، امْيَاتْ عَامْ ؤُ عَامْ

ابْغِیتْ انْسَدْ الْغَارْ اعْلَی نَارْ الْمَحْنَة انْدِیرْ زَکْرُومْ اعْلَی فُمْ هَادْ الضْلَامْ

انْسَدْ الْخُوخَة ، انْسَدْ اشْقُوقْ الْغَبْنَة انْشَطَّبْ الضَّيْ، انْدَرِّي ريحْ لَعْتَامْ

نَتْغَوَّكْ، نَتْهَوَّكْ ... مَا انْعَوَّكْ مَا انْسَوَّكْ

نَطْلَقْ لَحْيَة انْطَلَّقْ غَوتْ الزْحَامْ

انْشَطَّحْ رُوحِي اعْلَى مِيزَانْ خَاوِي نَرْسَلْ كَسْدَة اتْعُومْ فْ هَيْتَ لُغْرَامْ

> انْعَطَّلْ الْـكَّارْحَاتْ مَا انْشَمْ مَا انْلَمْ مَا نَفْهَمْ .. هِي اوْدانِي كُرْوَشْ الرْخَامْ

انْجِيبْ الضَّيْ مَاضِي، منْ كَلْبِي لقْدِيمْ انْشَعَّلْ اصْبَاعِي نَوَّارَاتْ، نَكْتَبْهَا اغْمَامْ نَعْطِي ظَهْرِي اقْسُوحَة ، لْسُوقْ النَّاسْ انْبِيعْ ؤُ نَشْرِي، فْ رَحْبَةْ لَوْهَامْ

نَتْوَسَّدْ عَقْلِي، كُلْ مَا طَارْ انْعَاسِي نَتْفَرَّشْ رَاحةْ الْبَاَلْ و اغْطَايَ تَنْغَامْ

مَا انْسَوَّلْ حَكْمَة، مَا نَحْكَمْ سُؤالْ مَا انْعَرِّي حَقْ، مَا انْحَقَّقْ فْ احْرَامْ

انْدِيرْ مَنْ اخْيَالِي حَوضْ لَشَلّا اوْصَالْ انْحتّلْ فِيهْ اكْلَامِي، حَتّى يْبَانْ لَكْلَامْ نَبْنِي مَنُّو امْرَايَاتْ، انْعَجَنْهَا امْحَاوْرَة نَخْبَرْ مَنُّو فَلْسَفَة ، وَرْدَة، لَفَنْ الصْيَامْ

انْلَبَّسْ اخْيَالَاتِي صُوفَة وْ صُوفَاتْ نَغْزَكْ منْ دَمْنَا الصَّافِي، سَلْهَامْ ؤُ سَلْهامْ اتْجِي النّجَّة اخْيَالاتْ، اقْواسْ مَفْتُوحَة قَوسْ نُور، قَوسْ نَارْ و التّالتْ ارْغَامْ

اتْجِي الْحَفْلَة مَجازْ اتْجِي لَخْصُومَة... زَازْ هُوَ كَلْبِي سِلّمْ الْحالْ مالْ كَلْبِك، غَاوِي اخْصامْ...؟

الزحام التاسع يا الْواصلْ

اشْكُونْ فِينَا وَاصَلْ والْعَتْبَة تحْتْ نِيفُو اتْقِيلَة...

لَمْدَى امْقَوْزَحْ يَا الْحاصَلْ والشُّوفَة عَنْدَكْ اهْبيلَة...

> إيلَا كَانَتْ لِيدْ عَرْجَة اَعْلَاشْ انْلُومُو الْخَطْوَة لمْهيلَة؟...

> > هَا اصْبِعْ التَّهْمَة، فِينَا ناصَلْ النَّغْزَة مُخْطَافْ و الْغُرْزَة ارْدِيلَة.

اللّي سَمّانِي الْمُوصُولْ انْسَا وْسَمّاكْ الْواصَلْ انْهارْ اعْبَرْنَا ازْرَعْ، كانَتْ إيدُو اطْويلَة

•••

الزحام العاشر اسْوادْ الْحكمة

هَادْ الْكسْدَة اللّي لامّانِي كافْرَة بنتْ كافَرْ

...

شَادْ أَنَا فْ الكُلبْ شَلّا امْعَانِي العْقَلْ اللّي انْسَوْلُو... نَافرْ

...

حَطِّيتْ فْ كفُّو ݣَاعْ الْوانِي عَافْ منِّي ابْيَاضْ النْواضَرْ

. .

لَبْيَاضْ زُونْ مَا رَشَّانِي و رَشَّانِي الشُّوفْ الْعاكْرْ

...

اسْوادْ الْحكْمَة رَبَّانِي اسْوادْ الزَّغْبَة، ازْواق طَايَرْ

الزحام الحادي عشر اهدابْ بتّارَة

لَقْلُمْ سَوِّلْ الْمَرْسَمْ اعْلَى زِينَةْ الْمَبْسَمْ واللَّوحْ شاهدْ ... لا حنّة كُرّاتْ لا ادْباغَة وفّاتْ ...

انْطَقْ اللّيلْ و اتْكلّمْ فِيهْ اغْرابُو انْضَمْ شلّاً انْضَامْ و الْكُولْ... امْعَفْرَة الدّهْشَة اتْرَابُو ...

هادِيكْ لالَّة سارْقَة منْ السْحابَة ابْيَاضْها اجْبِينْ فضّة... شَقّ النْهَارْ و شَقْشَقْ فْ اخْدُودْهَا ۖ بِلَّعْمانْ ...

> آشْ ادّانِي أنا نرْكبْ احْرُوفْ الزّينْ و انْدِيرْ منْ كْلْبِي برْهانْ ... الْحُحّة نائْتَة

اكْحُلْ ابْلا اكْحُلْ فْ اخْطُوطْ اسْيُوفْ و الْعَينْ اللّي اتْشُوفْ الْقاتْ لهْدابْ انْصالْ بتّارَة ...

> الرْمُوشْ ارْماحْ دايْرِينْ فْ لحْشَا غَارَة ... رُوحِي الْعطْشَانَة فْ كَفْ الْقاتلْ احْشَاشَة محْشُوشَة نفْسْ مَا اطّلّعْ اهْوا مَا تْنزّلْ ادْوَا ازْفِيرْ يدبّبْ فْ الصْبَرْ خطُوة مغْشُوشَة ...

طاحْ منْ وجْهِي وجْهُو ... فقتْ... و الْفِيتْ الْعَيْنْ طَلّة حشْمانَة حفْيَانَة، عرْيَانَة ... بْ شِي ضَيْ مرْشُوشَة ... شَ ... شَ ... شَا ... شَامَة شَاكُّة فْ خَدْ الْقَلَبْ اوْتادْ لمْحَبّة الْعَنْقَا

نُصْهَا اغْرَاسْ و نُصْهَا ادْرَاسْ ...

شيخِي ڭاٺْ : آشْ ادّاكْ تمْشِي للزّينْ و انْتَ رَاجِلْ مسْكِينْ ... ؟

> جِيتْ انْكمّلْ الْغُنّايَة الْقِيتْ الدْبَرْ هزْ ارْجِيلُو... ؤُ حَطْ احْدايَا وُ حَطْ احْدايَا

> > ...

الزحام الثاني عشر الْمَا ... لِيهْ احْكَايَة

إيلًا مَا كنتْ ضَيْ انْكونْ مَا ... نفْضَحْ الْعَتْمَة انْشَرَّدْ صْبَاعِي فْ جُوفْ لخْدِيعَة انْحُطْ شُوفْتِي ... امْرَا و امْرَايَاتْ فْ عَينْ دِيكْ لوْدِيعَة اللِّي خَرِّجْنَاهَا احْنَا منْ ۛ کُلبُ الصَّهْدْ شَادْهَا لبْحَرْ فُ كَرْشُو خَرِّجْنَاهَا اطْيُورْ طَيْرَة ابْكُرْ زَحَّافَة وِ انْوِارِسْ مَّا ِ ابْقَاتْ لْ مَانَا ... وَلَّافَة انْجِي أَنَا و اَتَّجِي انْتَ ... كَطْرَة رِقّاصْ منْ عَندْ الْغَيْمَة اتْبَارِكْ التْرَابْ و ۚ اتّْسلَّمْ ۚ اغْلَى مُولْ الْخَيْمَة

انْشَعْلُو عافْيَة انْطَعْمُوهَا زَعْترْ و شِيحْ انْحُلُّو بِيبَانْ النَّاسْ اِنْصَبْغُوَهَا رُوحْ ؤُ رَيْحَانْ و ريحْ اَشْـُكُونْ فِينَاً ۖ اَسْبَقْ الصْبَاح فَاقْ اعْلَى سَرْوِيّة و بَاٰسْ ۪ اخْدُودْ اللَّهْاحْ اُشْكُونْ اتْخطّي عَتْبِهَ الْمَا و ݣَالْ للشْجَرْ : ابْقَي تَمّه آجِي آ لَحْمَامَة ... هَا الْمَا فِينْ الْبَرْ وَ فِينْ النَّعْمَة .. السُّفِينَة هي نَفْسِي و نَفْسِي عاَمْرَة شَلّاً اغْبينَة شَكّلْتْ داتی منْ كلْ حَاجَة جوجْ ... و خَلِّیتْنِی أنا ارْهِینَة لَبْسَتْنِي الْغُرْبَة اهْرَبْ مَنَّى اَلْمَا وْ التْرَابْ انْشُوفْنِي اجْملْ امْعَنْݣَاهُ ... جَرْبَة ابْقِیتْ وحْدَانِی اعْلَی خَشْبَة

انْقَلّبْ فْ رُوحِي اعْلَى سَرْبَة رَجْعتْ لحْمَامَة الْقَاتْ لوْعَرْ و الْقَاتْ الْبَرْ جَاتْ تخْبَرْنِي سَدّاتْ منْقَارْهَا ... اكْمَامَة

..

الزحام الثالث عشر بُوسَة رُمّانْ

و انا ایلا اعْمانِي الضّوْ انْشَدْ فْ عینْ الصْباحْ انْحلِّي كاسِي بْقَهْوَة دُخّانْ

محْتاجْ انْكونْ امْعاكْ انْعاودْ صِيغَة لْ هادْ الْكسْدَة انْعمّرْها بُرْهَـــانْ

•••

انْسَقْسِي رُوحِي اتْعَنّـكْ تَمْتالْ احْجَرْ أو اتْعاشَرْ اغْبَارْ يعْتَرْ و اتْنجْ فْ امْقَاماتْ النّاسْ اعْبَايَة سُلْطَانْ

...

اشْکُونْ أَنَا إيلَا کَانتْ رَکَّبْتِي اصْغِيرَة نحْکِي احْکَايْتِي اعْلَى ازْرابِي تُرْکِياتْ نحْکِيهَا نحْکِيهَا اعْلَى اقْسُوحَة احْصِيرَة انْبُوسْ فُمِّي ابْلا خُوفْ ابْلا مَا انْشُوفْ وَاشْ هَاداكْ اللّي احْدَايَا " أَنَا... " وْ لّا اخْيَالْ شِيطانْ ؟

•••

يَاكْ اشْحَالْ وَانَا حَاضِي يخْرُجْ منْ جُوفِي عرْسْ لغْوَايَة لقْلُمْ عَنْدِي و هِيَ مَالْكَة الدْوَايَة الْحرْفْ اخْدلْنِي و مَا خَدْلَاتْنِي كِيسَانْ و مَا خَدْلَاتْنِي كِيسَانْ

. . .

جيتْ انْحَبّرْ ادْمُوعِي الْقِيتْ النْمَلْ عَرْبَدْ... و كالْ جُوعِي لحْتْ لمْنادَلْ و سَوّلتْ ارْجُوعِي الطْرِيقْ ابْعِيدَة و الصّاحِبْ زِرْبَانْ و الصّاحِبْ زِرْبَانْ

...

الْغيمْ ... لا رِيحَة لا مَا ادْواخْلِي كَـاعَة ابْلا سِيمَة ابْلا اسْمَا زَرْعِي فْ غَيْبَة و اَتْرَابِي عَطْشَانْ

...

ادْواحْلِي سَـاعَة كَـمْرِتْهَا انْساتْ دَوِرَتْهَا انْسَاتْ انْوارْهَا اللّمّاعَة احْيُوطِي كانتْ منّاعَة و الْيُومْ ... اشْكُونْ يعَمّرْنِي يسْقِينِي امْحَبّة يبُوسْنِي رُمّانْ...

الزحام الرابع عشر تَمْرِينْ ... خُودْ منْ لَحْدِيدْ الدَّايِب ، اعْلَى رَاشِي الْكَسْدَاتْ السَّمْرَاتْ ... ستْ كُطْعَات امْسَاوْنَاتْ...

> اثْلاتَة ف اثْلاتَة ... دَخْلهَا فْ النَّارْ دخْلَاتْ ...

و جيبْ منْ اسْمَاهُمْ ،

نَجْمَة زَرْقَة ،
فْ الشْعَا غَاوْيَة ،
فْ الصَّهِدْ اللَّافِحْ ... دَاوْيَة
شُكَّلْ مَنْهَا اسْلَاحْ ،
بْ ستْ ارْيُوسْ ...
يِنْهَشْ فْ احْكَايِتْنَا...
مَرَّة يِعَضْ ،
مَرَّة يِعَضْ ،
مَرَّة الْبُوسْ...
ابْيَاضْ اسْنَانُو ، رَجْمَاتْ...

و جِيبْ منْ اسْمَانَا ، فَمْ اقْدِيمْ ... دِيرُو قَوْسْ منْ احْدِيدْ ... اصْدَاهْ إِيلَا مَا صَدّا ، كَانْ اصْدِيدْ ... حُطّو فْ قَلْبْ ستّة ... هَادَا اهْلَالْ ... ؤُ دِيكْ نَجْمَة ... كَانْ نُورْ ولَّى ضلْمَة ... لا اتْعَوّلْ ، لا اتْحَكّرْ ... لا اتْعَوّلْ ، لا اتْفَكّرْ ... مَنْ ازْمَانْ ... كَمْرَتْنَا ... اطْفَاتْ

الزحام الخامس عشر نقْشْ برّانِي

...

جِيتْ نَحْكِي لْ رَاسِي سِيرَةْ الْمُوتْ الْقِيتْ ف رَاسِي حجْرَة حَرفْهَا برّاني اوْصِيّة تُوتْ اوْصِيّة تُوتْ لَبْحَرْ ادْرَكْتُو مَا ادْرَكْتْ لَعْصَا و اللِّي سَمَّى اعرُوقْهَا ... سَمَّانِي

مَا كَنتْشْ حجْرَة صَامْتَة و كنْتْ سِيرةْ مَا ، بِينْ نَبْعَة وْ عَشْبَة الْخَطْوَة زَرِّيعَة تَابْتَة نَابْتَة جَهِدْ الرْمَلْ فْ زَحْفُو ، حَدُّو عَتْبَة حَدُّو عَتْبَة

...

نَطْوِي كَفِّي اعْلَى تلتْ حجْرَاتْ ضَحْكَةُ الْمُوجَة ... الْدِيرْهَا بَابْ التّانْيَة امْحَبّة ، اعْلِيّا اسْحابْ ؤُ التّالْتَة عَنْدكْ لا ادِّيرْنِي اعْدُو ، يَاكْ احْنَا احْبَابْ

...

الزحام السادس عشر ساوي اوتاركْ

••

جَاني فْ مُوقفْ الجّدْبَة ڭال: ارْمِ ابْهاكْ على ابْهَاهَا

سَاوي اوْتارك اعْلى امْقامْ اڭْناوي يغْمَس اللّيل اصْباعُو فْ اغْنَاكْ و اغْنَاهَا

كُلتْ: هَجْهوجِي كُرْبَةَ امْتقْلاهْ شلَّا امْعاصي و اهْديلْ جَلْدُو مَا وَاتَاها

اوْتَارِي مرْخيّة اسْبِيبْ اسْفَاهَه كَرّازُو ... جَباّد الدْعَاوِي اقْطَعْ بالْعْنَاد ... الْغَاهَا

...

كٌال: لُوحْ اعْوَادْ الزّنْ و حَرّكْ فيكْ لعْضَايَا تلْقَاهَا...

> كُولْ لدَمّك ... يشْطَحْ لْ دَمّهَا ينْشْفَى الْحَالُ منْ اڭداهَا...

لَّا اتْهِزْ اكْتَافْ ... هَزْ رُوحكْ اتْعُومْ لْكَسْدَة ف اسْماها

افْتلْ عُودكْ اعْلَى فَتْلاتْ النّورْ تطْلَعْ احْرُوفكْ عَنْدْ مُولَاهَا

•••

الزحام السابع عشر الدّار الملبُوسة ... لُو كَانْ تَبْكِي وِذْيانْ لَبْلَاذْ تَبْكِي دَمْ الرُّدَمْ اللِّي بَالْ عِلْ لَوْلَاذْ لُو كَانْ اللَّغَة ائْشَعَّلْ ازْناذْ من اهْياجْ الْعَوْجَة من اهْياجْ الْمُوجَة اتْغَرْبلْ مِيهانْ لَبْحَرْ تَقْرا صَلْبُو لَمْعَفَّرْ اطَلِّعْ سومةْ الْحُوتْ لَمْخَنْترْ اطَلِّعْ سومةْ الْحُوتْ لَمْخَنْترْ اذَاتُو سُوسَة كَمْدَاتُو فْ اشْوارِي كِمْدَاتُو فْ اشْوارِي

الزحام الثامن عشر سوقْ الْعطّاسَة

... تحتْ بَاطْ الْوَقتْ ، كُمّية منْ فَضّة امْطَرْزَة انْقُوشْها ، بْ قَرْصَة منّكْ و مَنُّو عَضّة ...

حكْمَة حاكْمَة ... مَاضْيَة ، امْضَى منْ حاسدْ رَبّاتْ فْ كَفّي اطْرِيقْ ، اخْطُوطْها شَمْشْ ؤُ اتْرَابْها شدّة ...

الطْرِيقْ عَلْماتْنِي انْشُوفْ ابْعَدْ منْ نَيفِي الشّمْ الْحادرْ كَوّرْ النّوّارْ سَلْخُو نَعْنَاعْ ، هَذا اتْباعْ ، ؤُ هَذا مَا اتْباعْ ... و سُوقْ لعْطَسْ عَمْرُوهُ الْعطّاسَة ابْلا اعْطَسْ اللّي شادْ فْ اللْحَمْ طَاسَة و اللّي لَبّسْ الْمِيرَة احْلاسَة عَرْبُونْ الْبِيعْ اعْشَارْ و اللّي غَمِّسْ فْ الْحوّارْ السْمَنْ الْحَايلْ ولّى ملحْ ، قَاعُو مَحْرُوكْ مَا سوّلْ الْسَانُو واشْ هَادِي احْلَاوَة و لّا امْسَاسَة ...

> هَادِي غَبْنَة مدْهُونَة بْ سِيرْ حتى الْبلَّاتِي هَادا انْعَلْ يِواتِي ، و هَادا شـْرْبِيلْ مَا ايْوَاتِي

> > ---

شيخِي ݣَالْ : اللَّي ادْخَلْ سُوقْ النَّاسْ بِسَمَّنْ نِيفُو ، بَاشْ تْجِي الْعَطْسَة اقْيَاسْ ... كُلتْ و لْكُولْ عَنْدِي تَفْتَافْ : نَوّرْ لِي اتْلَافْ ... شافْ فِيّا ؤُ برْڭـمْ : الْعُودْ الرْڭيڭ إيلَا مَ اجْرَحْ ، يِدِيرْ الرْعافْ

63

الزحام التاسع عشر شاهِينْ واهْلَة

∎∎∎ ഉ

حُطْ الطّيرْ فْ كُلْبكْ لا اتْحُطّو فْ كفّكْ الزرْبانَة زَنَّدْ بردْ جُوفكْ و خَلّي الشّوفَة فيهْ ... فنّانَة عشقْ الْوَحْشِي سُومكْ و سِيمْتَكْ فْ سُومُو باقَة حشْمانَة باقَة حشْمانَة لا اتْنَبّتْ ازْرَعْ فْ خُوفكْ خَلّي الطّيرْ يشْرُبْ اسْبُولتكْ الْعطْشانَة يشْرُبْ اسْبُولتكْ الْعطْشانَة

وَاهْيَا دَاكْ الْخَلَقْ النَّارِي نَارِي اعْلِيكْ إيلا حَطّيتِي احْدا دارِي و نَارِي اعْلِيكْ إيلا جَا الْغيتْ مَرْسالْ مَا انْسوَّلْ اعْلَى رِزْقِي ، ما انْسَالْ هِيَ السْمَا ، ارْماتِكْ لِيّا سُؤالْ

ؤُ كنتْ أنا فَ الْغيبْ كنتْ أنا الشّارِي

•••

حُطْ الطّيرْ فْ كُلْبكْ و غَنِّي اجْناحَاتُو مِيزانْ اجْناحْ حَرَكَة و النَّبَانْ ... نافَرْ تِيهَانْ و النَّبَانْ الْعَدِيدْ و الْمخْلبْ صَنْدِيدْ و الكُلْب... شَعَالَة فَرّانْ

• • •

وَاهْيا داكْ الْفَرِحْ الرَّامِي ارْمِ ... اكْبلْ مَا نرْمِي و اكْبلْ مَا الْبُوبِيتْ يِشْطَحْ كْدّامِي لرِضْ رَايْداهْ و السْما سَايْعاهْ و انْهارْ يِكْرْنصْ ... انْجِدُّدْ لِيهْ ارْسامِي

...

حُطْ الطّيرْ فْ كْلْبكْ... ؤُ عَيّطْ... وا اجْماعةْ الصّيادَة واشْ الرّيحْ تَابْتَة و لّا نَحْوِثْهَا مِيّادَة خَلّي اجْناحاتْ الْخيرْ اتْحلّقْ ف اسْمانا ... سَعَادَة دِيرْ الْفُمّكْ كُبِّيلَ و خَلِّي الطّيرْ ايجِيبْ الرْفَادَة ايجِيبْ الرْفَادَة اعْرِيسْنا الطّيرْ هُوَ الشّهادَة اعْرِيسْنا الطّيرْ ... هُوَ الشّهادَة

الزحام العشرون الضحكة غاية

...

انْشُوفكْ رَاجْعَة منْ جُوفْ لَمْرَايَة الْخَطْوَة اوْجَاعْ ، و الضّحْكَة غَايَة

••

إيلًا انْوَصْفَكْ اتْسيلْ اصْبَاعِي غَيْمَاتْ مَغْمُوسَة فْ سرْ اوْجَاعِي دَوْخَتْ اشْرَاعِي انْشُوفَكْ مَشْيَة ، صَانْعَة سَرْ الْمَايَة الْقَدْ لُغَة ، و الْمِيلْ طَرَّزْ لَغْوَايَة إيلَا انْوَصْفَكْ إيلَا انْوَصْفَكْ

...

انْشُوفكْ رَاحْعَة منْ جُوفْ لَمْرَايَة

الْخَطْوَة اوْجَاعْ ، و الضّحْكَة عَايَة

اتْكُونِي اسْحَابَة مَا نَشْرُبْهاشْ اتْكُونِي امْرَايَة مَا نرْشَمْهاشْ التْرابْ اللَّي كَنْتُو أَنَا نَقِّيتِيهْ انْتِي فْ ضَلْعَة كَالُو عَوْجَة أنا كَلتْ غَنْجَة أنا ما نوْصفْهاشْ أنا ما نوْصفْهاشْ

. . .

انْشُوفكْ رَاجْعَة منْ جُوفْ لَمْرَايَة الْخَطْوَة اوْجَاعْ ، و الضّحْكَة غَايَة

الزحام الواحد و العشرون غلّة وْغلّة

...

لحْصِيدَة عَنْدي ، يَالله انْتَافْ و الْغلّة عندُو ، كَهْماتْ اخْوَابِي هَرْسَاتْ اشْدِيدْ لكْتَافْ

•••

... فُمْ الوقْت ، اسْنانُو عَاجْ ؤُ ادْهبْ وقْتِي أَنَا اسْنانُو ف التّلافْ

...

اعْلاشْ غَلْتِي أَنا بحْجَرْها اغْزِيزَة و غَلْتُو هُوَا، بْ اصْفَاها منْعُوها منْ تصْرَافْ

•••

و اعْلاشِ اللِّي احْصَدتُّو أَنَا اتْرَارْي بيهْ

امْكُوسْ الجّوعْ اتْهرفُو تْهرَافْ

... وَاشْ ادْهَبْ الوقْت معْفِي منْ حَقّ الشّهَرْ و وقْتِي أنَا سرُّو الْهِيطْ ؤُ تَنْـزَافْ ؟

الزحام الثاني و العشرون إيدْ الْفلَّاحْ انْقيَّة

احْمِارْ ݣَرْطِيطْ ؤُ حَطَّة الدَّمْعَة نَاشَّفَة الدسعة تاسعة الْمُونَة واقْفَة الْخُبزْ حَرْفِي أَتَايْ ... مَسْلُوخْ حَرُّو حَاضْنَاهْ بَطَّة

لِيدْ مِشْقُوقَة انْقـبّة وَ النَّعَلْ ... امْوَضِّي بْ تْرَابُو الْهَِمَّةِ رِاكْبْدَةٖ فُوقْ اسْحَابُو َ رَجَدِيْ وَ الْكِبِيرُ الرِّزقُ اكْبِيرْ منْ دَاكْ النَّادِرْ نازِلْ مَطّة ... مَطّة

الزحام الثالث و العشرون ضحْكَة

شفتْ الضَّحْكة نبْرة لابْسة ضَيْ الصَّباحْ والسَّنانْ جوهرْ امطرّزْ بْ عينْ السَّما اصْفوفْ لبْها فْ عزِّ لغْتامْ ترْياقْ لمْريضْ النّضْرة ترْياقْ لمْريضْ النّضْرة

و الْمَا مِنْ اللَّمِى رِشْفاتْ راحْ امْعَتْقة فْ ارْديمْ لخْوابِي فْ ادْنانْ الكبّة اتْشَعْشعْ شْراراتْ شَعْ مِنْ انْوارْ الكْمرَة

والضّحكَة ... فلْجَة الحرفْ يخْرجْ بينْ التّنْياتْ طَيْر من نادرْ الطْيُورْ ریشْ امحَلّقْ فْ کْلبی رُوحْ بْ غالِي لبْخورْ ھمْسَة مطْوِیة اعْلی سـرْ الجَمْرة

...

الزحام الرابع و العشرون مزحة

... لا حَنّة علْ لكْفُوفْ لا غَنّة فْ الدْفُوفْ لا بَنّة فْ السْفُوفْ عَ مخْمُوجَة و ڭالو لِيهَا شَطْحِي

ملِّي سَمْعَاتْ حسَّو حَطَّاتْ منْ الزْوَاقْ نصَّو رَقْصَاتْ حتّى دابْ عَسَّو قالتِ للزّينَة احْدَاهَا نُوضِي رَدْحِي نُوضِي رَدْحِي

العشرون				
	ځ	الرّيا	بْسَاطْ	וֹי

...

ابْساطْ الرِّيحْ عَافْ اسْماهْ ؤُعافْ فْ عَزُّ الرِّيحِ ابْكَاهْ الدَّامِي عافْ انْوَاحَاتُو

••

مُوجْ لِبْحَرْ جَــرٌّ قَاعُو فْ الدْبَرْ ؤُ فْ التّلْفة الزّحْلَة انْسَى اجْرُوحَاتُو

...

اجْفنْ البْلاد مَضْيوم لَعْمَشْ رَحْمَة ؤُ لَعْمَى لكْحَلْ بَلّلْ فْ الطِّينِ اقْرُوحَاتُو

• • •

اجْفنْ يتْوضّى اعْلَى اضْبابْ الْهَِمّ يِصَلِّي فْ احْلاسَة مَنْجُوجَة منْ دَلْ

ؤُ الْقَبْلَة اللّي نسَاهَا سَرْحَاتُو

...

لَبْسَاطْ دَايخْ دوخاتْ امتلّفْ رجْلِيهْ منْ كَفُّو خَابَلْ ؤُ امْخَبَّلْ غدْواتُو اتْخَيّطْ فْ الزْحَامْ ارْوَاحَاتُو

• • •

ابْساط الرّيحْ ما ودّنْ فْ اوْدَانْ لُوطَانْ ما حَرّكْ ف اللّمة الْحَالْمَة رِيشُو مَا غَنّاوْ اجْنَاحَاتُو

اتْرَابْ لَبْسَاطْ نشَّفْ مِيهانُو احْجَرْ أُو دم عَاكْرْ جِرْحُو كَفْ النَّارْ ... مَسْحَاتُو

ابْسَاطْ الْبَارِحْ غنَّى مَنْ الْمَا حتَّى الْمَا وابْسَاطْ الْيُومْ لَاحْ بَرْدُو فْ التِّيهْ دَايحْ امْدَوَّحْ فْ اشْتَاتْ اللّمَّة ... دُوحَاتُو

...

الزحام السادس و العشرون الْحَالْ ف عزّْ الرّجالْ

...

جَانِي فْ مُوقَفْ الْحَالَ ݣَالَ لَي : آشْ سّماكْ الله؟ ݣَلْتْ لو : بَهْلولْ مهْبُول اعْلَى بانْ الله

••

گال لِي : اشْحال منْ ضَرْسَة؟ كُلت لُو : هَرّستْ بيتْ اللّوزْ و دكْدكْتْ كْركاعْ الْعَرِصَة

••

گال لِي : ؤُ لُونْ اشْرابكْ؟ گلت لُو : لعْطَشْ دَايمْ واعْلى وجْمِي أنا هَايمْ والزْلالْ شَفْتكْ ما شفْتُو والحَمد لله اعْلى برْدْ النْعَايمْ

. . .

دارْ بِينّا كاسْ لوْنَاسَة اتْملَّحْ اكْلامْنَا واخْرجْ منْ دارْ لمْسَاسَة

. . .

ازْعَمْ سِيدْ الْحالْ و ݣَالْ: إيوَا جِيبْ لِينا اعْلِيهَا شِي اوْجِيبَة كُلت لُو : انْجيبْها اعْلى اغْدَرْ الزّمانْ ولا انْجيبها اعْلى لحْبيبَة ؟

...

دارْ سيدي اعْلى مُوقفْ الْحالْ دَوْرَة اَدّاتُو ، ؤُ دَوْرة ارْداتُو طاحْ ملّي اسْمع حسّ لَعْجِيبَة عَفّرْ اتْرابْ لمْحَبّة خَدّو ومنْ اجْبِينُو دمْ النْدامَة سَالْ

. . .

رَشّيتُو منْ بِيرْ الْعشقْ رَشّة فاقْ ؤُ انْضَرْ لِي بِعَيْنِ الرّعْشَة اعْطَانِي بِضْهَرِ اللّي ارْكَبْ تْرِحَالْ ابْقِيتْ مشْدُودْ الشّوفَة انكُولْ الله وحْدُو عَالَمْ بِسِرْ الرْجَالْ

...

الزحام السابع و العشرون اوْشَامْ الرّوحْ ... نَازِلْ أَنَا منْ شَجْرَة اوْرَاقِي لِيلْ جوّانِي انْهَارِي حَشْمَانْ منْ اطْرِيقُو ؤُ الرِّيحْ اللّي ابْغَاتْ تمْسَحْ اجْبِينِي الْقَاتْ اعْبُوقْ الرّوحْ... غَاسْلَانِي

الشّمشْ اللّي كانتْ عَاشْقَانِي اطْفَاتْ الضّيْ منْ اصْبَاعِي اتْزوّجتْ أَنَا تَفّاحْ الْكُمْرَة ؤُ الرّيحْ اللّي بْغَاتْ اتْولّي اكْرِينِي الْقَاتْ انْقُوشْ الرّوحْ... وَاشْمَانِي

...

اشْكُونْ أَنَا إيلَا دَاخْ حَرْفِي بِينْ لخْرُوفْ نحْسَبْ اِيّامِي وشْمَة مُورْ وَشْمَة وحْدَة مسْكَة ؤُ خَتْهَا عَلْكَة ؤُ الرّيحْ اللّي انْواتْ تدْخُلْ اعْرِينِي الْقَاتْ اعْيُوطْ الرّوحْ... سَاكْنَانِي

...

الزِحام الثامن و العشرون ابْلَادِي

•••

انْتِ اشْمُوخْ الْعَرْنِينْ سَامَقْ اسْمُوقْ فْ عَينْ الكُمْرَة وانَا اتْرابْ شَارِبْ فْ عَزْ لوْطَانْ اعْسَلْ التّمْرَة

انْتِ نَجْمَاتْ عَالْيَة لِيلَـكْ مَسْـكْ امْطَـرَّزْ انْفَاسِـي دَمِّي عَنْبَرْ إِيلَا طَابْ يِسْقِي اسْفُوحَكْ لْخَضْرَا

•••

أَنَا نَبْغِيكْ لَمْعَة أَنَا نَبْغِيكْ دَمْعَة رُوحِي دَايْبَة تَمَّة سَالْفَكْ اجْدِيلْ لُخْرَافَة انْضَفْرُو ابْعشْقِي ضَفْرَة انْضَفْرُو ابْعشْقِي ضَفْرَة

--

إِيلَا ادْخَلْتِي غَارْ اللَّفْعَة اَ نْدُخْلُو امْعَاكْ مُخْطَافْ انْغَرْزُو فْ عَينْ الضْلَامْ انْخَرْجُو اوْتادْ مِنْ جَمْرَة

...

نَرْمِيهَا فْ اجْبِينْ السُّمَا اتْوَلِّي فْ لمْنَازِلْ امْنَاجِلْ يِجِي اتْرَابْنَا ضَاحِكْ اتْجِي لحْصِيدَة ، اتْحَاكِي ابْيَاضْ الْغُرَّة

--

وِيلَا ادْخَلْتِي ارْيَاضْ النَّعْمَة اسْقِينِي اجْغِيمَة منْ مَا انْبَلْ بِهَا عَطْشِي انْسَائْنِي انت ... أَنَا لَّا أَنَا رَانِي ولْدْ لَمْـــرَا

...

الزحام التاسع و العشرون تغْرِيدَة عَوْجَة

نشْرُبْ اللَّيلْ فْ مَاعُونْ النَّارْ ؤُ نوْشَمْ اعْلَى ادْرَاعْ الرَّوحْ اخْطُوطْ النْهَارْ

--

اتْجِي النّجْمَة مرْسُولْ خَاوِي و الكُمْرَة مرْسَالْ ابْلا اخْبَارْ

...

يَاكَ آ عَيْنِي انْتِ اللِّي شَفْتِي و انْتِ اللِّي ادْوِيتِي حَرّكْتِي رَاكْدْ لشْفَارْ

• • •

۔۔۔ يَاكْ آ عَيْنِي انْتِ اللِّي سوّلْتِي والسّينْ سِيفْ بتّارْ شَقْ غَابِرْ لَسْرَارْ

•••

و السِّينْ سُؤالْ نَجْ فْ لَهْوَى جرحْ دَامِي سَوَّسْ فْ الدَّبْرَة ادْبَارْ

• • •

انْشُوفْ الْكَسْدَة دَنْ ابْلا اعْتِيقْ ؤُ انْشُوفْ الرّاحْ مَيهانْ عَمْيَة سكْرَانة ابْلا اشْوارْ

انْشُوفْ الْقَامَة قَامَاتْ مَاتْ فِيها حسْ الْهَاماتْ و انْشُوفْ الرّاسْ اللِّي كَانْ احْجَرْ وَلَّى فْ شُونْ الْخَلْعَة مزْرَارْ

. . .

شَفتْ حتى اتْݣُهَمْ فِيّا الشُّوفْ غَطّى رَاسُو بْ اكْسَايةْ الْخُوفْ عَرّى كَرْشُو ، وَكَلْهَا اغْمَارْ ... أنا نشْرُبْ اللِّيلْ فْ مَاعُونْ النَّارْ وُ النّارْ تسْقِينِي حَدْجَة اتْنزّلْنِي دَرْجَة ترْمَسْنِي ارْمَادْ ؤُ اغْبَارْ

..

زحليات الإضمامة

المحتوى

6	تقديم
8	خيط النور
12	راية
15	اُِيهَ انتَ
17	اصباعی کانت حضارة
23	التراب ازْناد
26	الْماً الْلِّيِّ اغْملْ
28	غارْ ؤُ امْرايات
33	يا الواصلُ
35	ً اسوادْ الْحكْمَة
37	اهْداًبْ بِتّارة
41	الْما لَيهُ اخْكابة
45	ِ بوسـة رمّانْ
49	برست تمْرینْ
52	ىمريى نقشْ برّانى
55	ىدىن برباپ ساوي اوْتاركْ
	سورِت. رحرت

الصفحة

58	الدّارْ المِلْبوسَة
60	سوقْ الْعطّاسة
64	شاهِينْ واهْلَة
68	الضحكة غاية
71	غلّة و غلّة
74	اِيدْ الْفلاحْ انْقِيّة
76	ضحكة
79	مزحة
81	ابْساط الريح
85	عزْ الرْجالْ
88	اوشامْ الروح
90	ابْلادي
93	تغْريدة عوْجة



ابْغِيتْ نَدُوِي امْعاكْ انْتَ الْهِ انْتَ مَاشِي هَاداكْ اللّي اوْراكْ ابْغِيتْ نَفْضَحْ امْعاكْ عَيْبْ السّكْتَة و انْتِ مَاسَحْهَا فْ اللّي احْداكْ الشّحالْ كُدْنَا مَا انْعَوْجُو فَ قَدْ النّعْتَة و النّعْتَة مِيرَة تَابْعانِي وْ تَابْعاكْ اللّا، راهْ مَاشِي أَنَا مُولُ الْغَوْتَة وَاهْ اللّهُ الللّهُ اللّهُ الللّهُ اللّهُ ا